

იუმორისტიკული გაზეთი

წელიწადი პირველი.

შუამავალი

№ 5

კვირა, 12 აგვისტო, 1907 წ.

№ 5

სენსაცია:— იაკობ ფანცხვას ქუთაისში მოშვიებია და ფოთს ათასი მანათი მიუშველებია! — ქარელის სადგურის მოსამსახურეებს გადასაზიდ ბარგზე ახალი ბაჟი შემოუღიათ! — საერთაშორისო სოციალისტურ კონგრესზე თავმჯდომარეთ „დაშნაკცაკანი“ აურჩევიათ! — ერთ დღეს ფოთის გოროდგომებს 400 ბატი და 300 იხვი მოუყმთ და ორი ძროხა სატუსალოში ჩაუსვამთ!

კარკატურებიანი, იუმორისტიკული, გაზეთი „შუამავალი“ გამოდის ყოველ კვირა დღეს. ფასი წლიურათ—5 მან., ნახევარი წლით—3 მან., ერთი თვით—50 კ., ცალკე ნომერი ყველგან 10 კ. ადრესი: თფილისი, ამხანაგობა „შრომის“ სტამბა. Типография Т-ва „Трудъ“ для „Шуамавали“.



მამეზი:— პატივი და დიდება მობრძანებასა თქვენსა!.. მობრძანდით! მობრძანდით!.. ყველაფერი მზათ არის! აჰა თქვენი მშვენიერი თვალებით ნახეთ რა ნიადაგი მოგიმზადეთ!.. იმედი გვაქვს ლირსეულათ დაკვაჯილდობებთ ასეთი მოღვაწეობისათვის.

ხოლერა

და

შავი ჰიერი.

უზენაეს შემოქმედმა
 აღარ გაიტყუა პირი:
 საზაფხულოთ მოგვივლინა
 ხოლერა და შავი ჰიერი.
 ხუთმეტჯერ შემოირბინა
 დედა-მიწამ მზისა არე,

რაც ხოლერა არ უნახავს
 და შესწუხდა ჩვენი მხარე.
 იმოდენა სიბინძურემ
 მოიყარა სოფლათ თავი,
 რომ საბრალო გლეხკაცობას
 ცოცხლათ შემოაძრეს ტყავი.
 საჭიროა გასაწმენდათ
 მედვარი და მძლავრი ხელი,
 შავი ჰიერი და ხოლერა
 მისთვის გახდა სანატრელი.

მაგრამ, როგორც გამოირკვა
 ის არ სდევნის ბინძურ გულებს
 და იქნება კიდევ არგოს
 რეაქციის მოციქულებს.
 უწინარეს, მოსულეებმა
 აიარეს ვოლგის პირი
 და ვისაც კი ჩაუსახლდენ
 ხარკი დასდევს ფრიად ძვირი.
 სიკვდილი და სასაფლაო
 გაიფადა როგორც ჩირი

ველარავის ველარ შველის
ვერც პარტია, ვერც კავშირი.
ლარიბების უბანს მტრობენ
სანაგვეში უძვეთ ცხვირი,
სისუფთავე ეჯავრებათ
აი რაა გასაკვირი!
დიღხანს ღარჩენ სამარაში
და მოაპყრეს ჩვენკენ თვალი!..
იმათაც სძულთ კერძობა,
მათაც ესმით სამართალი!
გამოფრინდენ თფილისისკენ
ფეხ-მარდნი და ქარზე მალი
ბედაურებს ფეხზე აკრავთ
აღმასი და ოქროს ნალი.

ნავთლუღისა სასაკლავოს
სიბინძურით არ ყავს ცალი
„უპრავაც“ იქ გაეგება
აისრულოს თვისი ვალი.
ძვირფასს სტუმრებს ნაგვის გოდრით
მიაგება საყნოსავი
უთვალავი მძორის კალო
და გამხმარი ცხენის თავი.
დაკვეთილი მყრალი სისხლი,
შმორიანი ჭარის ტყავი,
და ამათზე უმჯობესი
მრავალი სხვა სანახავი.

აიარ-ჩამოიარეს
ეს უბანი კიდი-კიდათ
და ნახული სიბინძურე
მოიწონეს ერთობ დიდათ.
შემდეგ ქალაქს გამოუყვენ
ხმონები და მათი „თავი“
ქუჩები გულს უამებენ
(მუხლებამდე სძევს ნაგავი)
ერევანის მოედანზე
მოსულებმა იგრძნენ წყენა,
შავ-ჭირსაც და ხოლერასაც
ჰაერი „თხლათ“ მოეჩვენა

შავ-ჭირს ენა ჩაუვარდა,
სიტყვა ველარ მოაბრუნა.
და ხოლერაც გულის ძვერამ
დააქწნო და მოადუნა.
სწრაფლ ბრძანება გამოიცა!..
დვორნიკებმა იწყეს დენა
და სტუმრების გასართობათ
მტვრისა ბუქი ააყენა.
რა ეს ნახა, შავმა-ჭირმა
მყისვე ამოიღა ენა,
ქალაქის თავს შესაფერი
მადლობელი მოახსენა.

შემდეგ ჩასხდნენ ტრამვაიში:
ინახულეს ვერის ბოლო
მოუწონეს გემნაზიას
ღელის პირი ნაგვის კალო.
დიღუბეში არ შესულან
სხვანაირი იღვა სუნნი
თუმცა უყვართ მალაკნების
ცხენები და დროგ-ფურგუნნი.

ხარფუხი და ჩულურეთი
მოიწონეს მეტის მეტათ,
სანიტარებს ქება უთხრეს:
ფულს არ ფლანგავს დასახვეტათ.
ორთა ქალის ბადებიდან
ისევ ბაქოს მიაშურეს;
თუმცა ჩვენი მასპინძლებიც
აქეს და არ მოიმდურეს.
სანიტარებს უთავაზეს
თითოს თითო მკვდარი კატა;
„გალავას“ კი აღარ ვიცი
ზედმეტი რა მიუმატა.

ეშმაკი.

ფოთის აგავი.

ადგილობრივმა პოლიციამ*1 გადასწყვი-
ტა, მოსპოს ფოთში „ანარქია“, რისთვისაც
თვე-ნახევარია მუდამ დღე ატუსაღებს
5-დან — 10-მდე კაცს და ამწყვდევს ადგი-
ლობრივ ციხეში. ატუსაღებს კაცს ყვე-
ლაფრისთვის, ხოლო ყველას ერთად „სა-
ხელმწიფო დანაშაულობისათვის“. ზოგს
ასახლებს და ზოგს ციხეში რამოდენიმე
თვით აბინავებს. მაგალითები?.. ინებეთ:
1) ბანახა რაფუა დაიჭირეს ცულით მხარ-
ზე დილა-ადრიან ხეების „სატეროროთ“
ტყეში მიმავალი და რადგანაც „ტერო-
რისტობა“ თურმე დანაშაულობა ყოფი-
ლა, ამიტომ გადასახლეს ვიატკის გუ-
ბერიაში; როყუა შუამდგომლობს „გა-
მანთავისუფლეთ და ხეების მაგიერ კაცებ-
ზე დავიწყებ ტერორისტობასო“, მარა
მთავრობამ უყურადღებოთ დასტოვა მისი
სამართლიანი შუამდგომლობა; აგვა
აფხაზავა ფოთში ჩამოსულა დოქტორ
ტერ ნიკოგოსოვთან საექიმოთ. ნაცვლად
ამისა მეორე უბნის გოროდოვოები შეხ-
ვედრიან გზაზე და ციხეში მიუცილებიათ.
განა ციხე ურიგო საავთმყოფოა? 3) ივ-
ლიანე კიდაძეს შეხვედნ იალონზე სამუშა-
ოთ მიმავალს, 20-მდე თოფი დაახალეს,
მაგრამ რადგან არც ერთი ტყვია არ მო-
ხვედრია (კილაძის საბედნიეროთ ის სტრა-
ჟნიკებს თურმე ყაჩაღი ეგონათ და თო-
ფებს შიშით თვალდახუჭული ისროდნ.
დაჭერის შემდეგ პოლიციაში ძალზე მი-
ბეგვეს და მხოლოდ ერთი თვის ციხე
შესთავაზეს; 4) აგვაბა გოგინაიშვილი ჩა-
მოსულა ფოთში კამეჩის სასყიდლოთ, ამი-
ტომ დაატუსაღეს და ვიატკაში ასახლე-
ბენ*); 5) შელიტან წითლიძეს, იმიტომ,

რომ თეთრი ჩოხა ჰქონია და პოლიციე-
ლებს სადღაც ცხენის ქურდების დარჩე-
ნილი თეთრი ჩოხა უწახანეთ და წითლი-
ძის ჩოხაზე შიუმზგავსებიათ; მეტი ცემით
თავში ტვინი ჩაუმთხვლიეს და მუცელში
ნაწლევები და ფილტვები. 6) რემა ბერი-
ძეს მარტო ცალი მხარი მოაცალა სტრაჟ-
ნიკმა ლევანში ხურციამ, იმიტომ, რომ
ბერიძეს მოწონებით სალამი არ მისცა
სტრაჟნიკისთვის. რაჭვარაცის შემდეგ ბე-
რძე სანქციოთ ციხეში „შეაბრძანეს“;
7) ზაყუა აფხაზავს მეტი სტუმართ მოყვა-
რობით, თუ შიშით, ვილაც ორი მგზავ-
რი თოფიანი კაცებისათვის ვახშაძე მიტო-
ვია. ეს გაიგეს პოლიციელებმა და გან-
რისხდნ „როგორ თუ მგზავრებს აქმევს
ვახშაძე, როცა ჩვენ აქა ვართ მშვიერე-
ბიო“ და თოფის კონდახებით ოპერაცია
გაუკეთეს დოსტაქარი კუხალიშვილის მე-
თაურობით. შედეგი საუცხოვო დარჩა...
მარჯვენა „კელევერი“ და ხელი მოსტეხეს.
ამის შემდეგ დასასვენებლათ სამი თვის
ციხე მიუსაჯეს; 8) ალიქსი ლაშინა პოეზი-
დით მიდიოდა ფოთიდან. მისი სახე სტრა-
ჟნიკებს არ მოეწონათ და ამისთვის რკი-
ნის გზის ბილეთი მოსთხოვეს (რასაკვირ-
ველია მიზეზის ასაყოლებლათ). საუბედუ-
როთ ლაშინას ბილეთი აღმოაჩნდა და
მეტი, რომ ვერაფერი მოახერხეს უფ.
სტრაჟნიკებმა, ტერორისტობა დააბრალეს
და დაატუსაღეს. საწყალი ლაშინა!.. ნეიგე-
ბაუერის ბრძანების პირნათლათ ასრულე-
ბამ სამგზავრო ბილეთების ყიდვის შესა-
ხებ ამოიშავა ის!.. რომ ეს ბრძანება არ
ყოფილიყო, მაშინ უბილეთოთ წავიდოდა
და თუ დაიჭრდნ ამისთვის გადაახდვი-
ნებდნ უდიდეს სასჯელათ მხოლოდ
„დვინოს“, ეხლა კი ვიატკის გუბერ-
ნიაში უნდა წავიდეს ბილეთის ყიდვის
თვის; 9) ალიშა თავართქაძე დაატუსა-
ღეს და ასახლებენ ვიატკაში „ივერია“-ში
სადილის ქამისთვის; ფიცს სდებს გამან-
თავისუფლეთ და სასტუმროების წინ გზათ
გავლილს ვერ დამინახეთო, მაგრამ ვინ
დაუჯერებს? 10) ესე ლაშინაშვილი და-
ატუსაღეს და ეტაპით მიქიაშვილს უგზავ-
ნიან, აბრალებენ ტერორისტობას, რად-
განაც ვილაც ქალი შეუყვარებია და ცო-
ლათ წაუყვანია. ამბობენ მიქიაშვილი ჯუ-
მათის მონასტერში გაგზავნის დობორჯგი-
ნიძეს ცოდვების მოსანანებლათ; გზაში
გაქცევას განიზრახავს და სტრაჟნიკებს
შემოაკვდებათო, მაგრამ ის ხომ მომავ-
ლის საქმეა!

*1) ბოქ. კუხალიშვილის მეთაურობით.
*) ახი კია მისი გადასახლება! რისთვის
დაარღვია ადმინისტრაციის „ზაკონები“, ფული
თუ ქონდა სხვაზე მოქმედა? კამეჩი-კი უნდა მოე-
პარა, ამის წინააღმდეგ არავინ იქნებოდა!..
ავტორი.

საჯაყი საქმე მოუვიდა ორ უფროს გოროდოვებს: ჭანტურიას*) და ლიპარტიას. ამით გადაუწყვეტიათ თავიანთ გულში ჯვრების და აღმატების მიღება. მაგრამ რადგანაც ამისთვის ომში“ მონაწილეობა და იქ ქრილობის მიღებაა, საჭიროა, ამიტომ მათვე გამოუგონიათ და მოუწყვიათ შესაფერი ომი. შევარდნილან დუქანში, აუტეხიათ აურზაური და ბოლოს იმ იმედით, რომ ხალხს დავაბრალებთო, ლიპარტიას განვებ ჭანტურიასთვის თითზე რევოლვერი უსვრია და დაუშავებია.

იშოვეს სათქმელი ამით, მიაშურეს პოლიციას, გამოიწვიეს ჯარი და კინალამ სისხლის ღვრა დატრიალდა.

როცა ყველამ გაიგო ნამდვილი ამბავი და ყველაფერი გამოირკვა, პოლიციემისტერი განრისხებულა გოროდოვების ამგვარ უხერხულ და აშკარა პრავაკატორული საქციელით და ორივე დაუთხოვია სამსახურიდან... დასჯილნი აღტქმას სდებენ: შემდეგში ასე სულელურათ აღარ მოვიქცევითო, მაგრამ სალაცაიას სტოლიპინისაგან ტელეგრამით უარი მოსვლია იმათ უკანვე მიღებაზე, რადგანაც სათათბიროს არჩევნები მოახლოვებულია და თუ ამგვარ „უკანონობას“ ყურადღებას არ მივაქცევთ, ხალხი გვერდს აგვიქცევს და მოსალოდნელია ნიკოლაძეს არ მისცენ ხმა, რადგანაც ის არსებული პოლიციის დიდი დამცველიაო.

მაგრამ თუ აღმაჩნეს ცუდი დღე ადგიათ ამ დალოცვილ ფოთში, უკეთესს არც ბატები განიცდიან. დღემდე მარტო კაცებს სახოვდენ პასპორტებს და სდევნიდენ უმუშევართ, ახლა ბატებსაც აღარ უშვებენ ქუჩაში უპასპორტოთ. მაგრამ რადგანაც ციხეში ტევა არ არის და ახლის აშენებაც შეუძლებელია მესამე დუმის დაუკანონებლათ, ამიტომ საწყალ ბატებს სადაც მოასწრებენ, ლომსავით ფაფარ აყრილი და გულადი გოროდოვები, თავიანთი ბასრი ხმლების ერთი შემოკვრით აცლიან თავს. თავებს ინახავენ, ხოლო მოკლული ბატების ცხედარი ხან სახლში მიაქვთ, ხან ბაზარში. ერთხელ ქველმოქმედებით გატაცებულმა გოროდოვებმა ციხეში ტუსაღებსაც კი

შესთავაზეს ოთხი ცალი... ტუსაღებს თურმე უკანვე მიუგდიათ დახოცილი ბატები, რითაც გოროდოვები ძალზე გაჯავრებულან, მაგრამ მოგვხსენებათ რუსეთის ძირითადი კანონების ძალით ყველას აქვს უფლება, არ ჭამოს საქმელი და ამიტომ როგორც იქნა გადარჩენ ჯრჩი ტუსაღები უპასპორტო ბატების ბედს...

ამგვარი სასტიკი რეპრესიებით შევიწროებულ ბატებს, პეტერბურგში ქალაქის საქმეებზე წასული ნიკოლაძისთვის ტე-

ლეგრამით თხოვნა გაუგზავნიათ, რომ ის შეეკითხოს შინაგან საქმეთა სამინისტროს ფოთის პოლიციის უკანონო მოქმედებაზე და როგორც თვით ბატები ირწმუნებიან, მოსალოდნელია დიდი შედეგი მოჰყვეს მათ შეკითხვას.

იმედია, პეტერბურგის ადმინისტრაცია გულგრილათ არ მოეკიდება თავის მონათესავეთა ამგვარ დარბევა-აწიოკებას.

კრეისერი.



თფილისის სადგურზე

ჯიბგირები—ერთი ამ წვერცამეტა ხუცესმა და ტეტამ სადგურში შეიტანონ ბარგი და აცოცება მერე ჩვენი საქმე იყოს.

სადგურზე.

ჩვენი სოფლის ტეტები და ხუცები წვერ-ცამეტა, ჯიბგირების ოინ-ხრიკებს როდის ისწავლიან ნეტა?!

ამ წინაზე, ერთი გლეხი და სოფელი ხამი ღვდელი, თფილის ქალაქს ჩამოვიდენ ბარგი ჰქონდათ საყიდელი. დაჰყვეს ორი დღე და ღამე, შეიძინეს რაც-კისურდათ, მარტო ბილეთების ფასი ორი გროში შერჩათ ხურდათ. მესამე დღეს აიბარგენ ხურჯინებით დატვირთული, იჩქარიან ნავაჭრებით გაუხარონ ცოლ-შვილს გული. გლეხს ბავშვები გზაზე უცდის, მოვლიან დანაპ. რებს; „ფოფოლიაც“ გულ-მოსული ხუცესის გზას გადაჰყურებს.


მეზობლური მუსაიფით სადგურისკენ მივლენ ნელა, სწორეთ შუადღემ მოატანა მტვერიც დგას და ძლიერ ცხელია. ვაგზალში და ვაგზლის ახლო ხალხი უსვრის ათას-გვარი თათარი და ქრისტიანი

მშიერი და გამამძღარი. ყველა ჩქარობს და ისწრაფის ოთქელ-მავალი ძალზე ქმინავს; ფრთაშესხმული ჟანდარმთ-ჯგუფი ისე დადის თითქო ფრინავს. იქვე ვიწრო თანჯარასთან დარაზმულა მთელი ჯარი და სასწაულის მოვლიან: რომ გაიღოს კასის კარი!

ჩვენი ხამი ნაცნობები გზაში დარჩენ კარგა ხანი და იმ დროზე შემოვიდენ აღარ იყო გასაქანი. სკამის ახლოს ხურჯინები მიალაგეს ერთათ, წყებათ, და კასისკენ გაეშურენ ბილეთების ასაღებათ.

ახლა უნდა მოგახსენოთ სადგურების მორთულობა; თუნდ იწყინონ ჯიბგირებმა და შემწამონ ორგულობა. თითო კაცზე თითო მოდის ქურდ-ბაცაცა მაკრატელი და თუ ხამათ მიგიჩნიეს ჯიბისაკენ მიაქვთ ხელი. არ დაგზოგავს არაფრისთვის თუ ბეზავი ვინმე გნახა გაგცლის სულით ხორცამდისინ და დაღე შემდეგ ხახა!!!

*) ამ ჭანტურიას სახელათ გიორგი ჰქვიან, სიმონი არ ეგონოს ვინმეს, რადგანაც ეს უკანასკნელი მართალია „დესენდნიკათ“ მსახურებდა, მარა „სამსახურს“ წვრილ-წვრილათ ასრულებდა და რადგანაც პოლიციემისტ. სალაცაიას ამგვარი წვრილი ქურდები სძაგლათ ეჯავრებდა, სიმონიც ფოთის ციხეში ჩამწყვედვირა, სადაც შეუძლიათ ნათესავეებმა და ნაცნობებმა ინახულონ. ავტ.



თფილისის სადგურზე

ჯიბში რაბი—მშვიდობით! ჩვენი და თქვენი ბარგის ნახვამდე არაფერი გეტყინოთ

ეს იციან სოფლებმა,
მაგრამ ცოდნას ვინ რას აქნევს
და თავზე თუ არ დაარტყი
ისე ყურებს არ დააქნევს.
ახლაც დიდი ხურჯინები
მიატოვეს ვაგზლის ყურეს
და ნერწყვები მოედინა
ჯიბგირებს, მათ შემომყურეს.
წამოიგდეს ნაცად ბეჭზე
ხურჯინების მძიმე ცალი
და ვაგზლიდან მიიმაღენ...
დაიკარგა მათი კვალი!!!

ოციოდე წუთის შემდეგ
თავის საქმეს მორჩა ღვედელი
ბარგისაკენ გაეშურა
გაწუწული ოფლით სველი.
მიიჩქარის გამაღებით
თითქო გულმა უგრძნო ქირი,
თვალთა ცრემლი მოსდენია
დაღრეჯია ბედკრულს პირი.
აღარ დახვდა ძველ ალაგას
აღარც კვერთხი არც ხურჯინი...
საწყალს გული შეუწუხდა
დაუბნელდა თვალთა ჩინი.
ხუცესს მოჰყვა ნიკოლოზაც
და შეიქნა დიდი მოთქმა
მე არ ძალმიძს არც აწერა
არც დახატვა, არც გამოთქმა.

იგლოვეს და ივალალეს;
ცრემლიც ღვარეს დიდი ძალი,
მაგრამ ჯიბგირს სად სმენია
ხნეობა და სამართალი!

ეშმაკი.

ხაზეინთა შორის.

ბათუმელ მოიჯარადრეთა ოინები.
ყოველ ფეხის გადადგმაზე საყვედურები
გვესმის: ბათუმელ მუშებს მიეძინათ, ცხო-
ვრებას ჩამოშორდენ, არა აქვთ კავშირე-
ბი, პოლიტიკურ ცხოვრებას გვერდი აუ-
ხეიესო და სხვა. საკვირველია სწორეთ

ასეთი საყვედური. თუ ბათუმელ მუშებზე
საყვედურს ამბობენ, ეს მთელი ბათუმის
ჩირქის მოცხებაა. დიდება შენ ღმერთო!
მუშებს კავშირი არა აქვთო, განა მარტო
მუშებს უნდა ქონდეთ კავშირი? რატომ
არ იკითხეს დალოცვილებმა, თუ მუშებს
არა, ხაზეინებს ქონდათ თუ არა კავში-
რი? ჯერ გაეგოთ ნამდვილი ამბავი და
მერე ეთქვათ საყვედური. თუ ბათუმელი
მუშები დაგლახავდენ, სამაგიეროთ ხაზეი-
ნებმა „დაპარწეს“ თვალები. მუშებს ხა-
ზეინებმა აჯობეს. კავშირიც შეკრეს,
წელშიაც გამაგრდენ და ისე ჩაიჭირეს
თქვენი მოწონებული მუშები, რომ მგო-
ნია აწი მათ არავითარმა კავშირმა აღარ
უშველოს. ავიღოთ თუ გინდ ღურგალ-
ხელოსნები. მათ არა აქვთ არც კავშირი,
არც მქადი და არც ლობიო. მოიჯარად-
რეებს კი კავშირიცა აქვთ და ყველაფე-
რი. ღურგალ-ხელოსნები არც კრებებს
მართავენ, არც ხმას იღებენ და არც არა-
ფერს. მოიჯარადრეები კრებებსაც მართა-
ვენ, ხმასაც იღებენ და მეტსაც შვრებიან.
ამას წინათ ერთ თავიანთ კრებაზე მოი-
ჯარადრეებმა შემდეგი მოთხოვნები შეი-
მუშავეს და ცხვირში ამოკრეს ღურგალ-
ხელოსნებს:

- 1) არც ერთ მუშას უფლება არა აქვს
ისეთი სამუშაო გააკეთოს, რომელსაც
მოიჯარადრე არ უბრძანებს, ე. ი. მუშა-
ვერ იმუშავენ ისე, უკეთუ მოიჯარადრი-
დან ნებართვა არ აიღო.
- 2) დაუყონებლივ მოიწვიონ რაქიდან
ახალი ღურგლები და მათი მოსვლისთავე
ძველები დაითხოვონ, იმ პირობით, რომ
24 საათის განმავლობაში გავიდენ ბათუ-
მიდან, რათა არავითარი კავშირი არ იქო-
ნიონ ახალ ჩამოსულებთან.
- 3) დღიური ქირის მიცემა მოიჯარად-
რეების სურვილზე იყოს დამოკიდებული.
- 4) სასტიკათ აეკრძალოთ ღურგლებს

სამიკიტნოებში სადილის ჭამა. ერთხელ
და უკანასკნელათ დაკანონდეს, რომ ღუ-
რგლებმა უსათუოთ სამუშაო დაზგაზე“
ჭამონ სადილი და ისიც ფეხზე დგომით.

5) სამუშაო დღე იმდენ ხანს უნდა გა-
გრძელდეს, სანამ ჩვენ თვითონ არ დავი-
ლლებით მათი მუშაობის მზერით.

6) სასტიკათ აეკრძალოთ ღურგლებს
რაქველებს თონებში თავის მოყრა პუ-
რის საკმელათ.

7) ჯამაგირები წელიწადში ერთხელ
მიეცეს, ისიც უკეთუ ღურგალი აუცილე-
ბელ საჭიროების გამო სახლში უნდა წა-
ვიდეს. ხოლო ჯარიმების და ფულის შე-
სანახ პროცენტების გამორიცხვით მოიჯა-
რადრეთა ბიუროს სასარგებლოთ.

ხემა აღნიშნული პირობები დიდის
აღტაცებით მიიღეს ღურგლებმა და დე-
პუტაცია გაუგზავნეს მოიჯარადრეებს,
უქვეშევრდომილეს გრძნობის გამოსაცხა-
დებლათ.

მეთვალყურე დაკუნია.

კიდევ ნურიის ბაზრის ხაზეინთა შე-
სახებ. როგორც წინა წერილში ვწერდი,
ნურიის ბაზრის ვაჭარ-ხაზეინებმა შეიმუ-
შავეს სავალდებულო მუხლები, რომლე-
ბის წინააღმდეგ წასვლა არც ერთ ვაჭარს
და არც ნოქრებს არ შეეძლოთ. ეს გა-
დაწყვეტილება პირველათ დაარღვიეს
ალექსი ხოშტარის და რაყდენა „კალბა-
სნიკის“ ნოქრებმა (ამ ალებმა პირველათ
გაატარეს ცხოვრებაში ალების დადგენი-
ლება და რა გასაკვირია, თუ მათი მიხე-
დვით მათმა ნოქრებმაც პირველათ დაარ-
ღვიეს მათი გადაწყვეტილება). მათ უარი
განაცხადეს, გამოერიცხათ მათთვის ადგი-
ლიდან დათხოვნის დროს ექვსი თვის ჯა-
მაგირი. მოითხოვეს, ოთხი თვის გამოე-
რიცხათ. ხაზეინებმა ქვა აავდეს და თავი
მიუშვირეს. ნოქრები სამედიატორო სა-
მართალში გაიწვიეს. ორივე მხარემ წინ-
დაწინ პირობა დასდო, დათანხმებულიყო
მედიატორეთა გადაწყვეტილებას. მაგრამ
დახეთ უბედურებას, მედიატორეებმა გა-
დასწყვიტეს ექვსი თვის ჯამაგირის გამო-
რიცხვა. ალები შებტენ და უარი სთქვეს
ამ გადაწყვეტილებაზე, ამიტომ ხელათ
ბოიკოტი მიართყეს. ჯერჯერობით ბოი-
კოტი მტკიცეთ ტარდება. ალები ცუდ
გუნებაზე არიან და არ იციან, რა ქნან.
იგ:ვე დაკუნია.

წ რ ო ვ ი ნ ც ი ა .

სოფ. ჭოპორტი. ვაზეთ „ეკალის“
მეორე ნომერში დაიბეჭდა: სოლომონ
ჯანგირაშვილმა უღალატა საზოგადოებას

და ადამის დროინდელ პირობებში მიწები გადააშავაო. მე სოლომონ ჯანგირაშვილი ვაუწყებ მთელ საზოგადოებას, რომ მე ამ საქმეში არაფერი ღალატი არ მიმიძღვის. ღმერთმა დაიფაროს ყოველი ადამიანი იმგვარი კორესპოდენტისაგან, რომელმაც ჩემზე აღნიშნული ჭორები შეთხზა.

სოლომონ ჯანგირაშვილი

ერწო. ჩვენ სოფლებში ფედერალიზტებს ხურჯინებით დაქვე და ხალხს უკითხვენ პარტიის ლიდერ პავლე აკობიას უკანასკნელ თხზულებას „ს. დ. მოატყუა გლეხები“. ადგილობრივი „დეკანოზის“ აზრით ასეთი ღრმა შინაარსის თხზულება აღნიშნულ პარტიას ჯერ არ ჰქონია და შესაძლებელია ახალი ეპოქა შექმნას ფედერატიულ მწერლობაში

სურამი. ჩვენი ვაგზლის ქებათ ქება რომ არა ესთქვათ არ იქნება გამვლელი და გამომვლელი სანეტარო სუნით ტკება. უცხო კაცმა რომ შეხედოს გაკვირდება მათი ქცევით: ცხვირთა ნესტო დაუხშვიათ ზოგს პლატოკით, ზოგს თითებით. ზილფოვანი ჰაერი სდგას ვისთვის ტურფა, ვისთვის მყრალი, და თუ ჭორებს დაუჯერეთ მუატს უძვეს მასში ბრალი.

ამასთანავე უნდა ვაფუწყო პატივცემულ მკითხველებს ერთი ფრიად სამწუხარო ამბავი. სრულიად მოულოდნელათ და თანაც უდროვოთ გარდაიცვალა ათი წლის ჭაუბკი თუმცა სუსტი და უღონო „სახალხო სამკითხველო“. თუმცა ჭირისუფალი ცოტა ნაკლებათ დარჩა ნეტარხენებულს, მაგრამ მაინც აუწყებენ ნათესავთა და ნაცნობთ, რომ პანაშვიდს გადაიხდიან მუდამ ღღე დილის ათ საათზე. დიდი ქუჩა, აფთიაქის პირდაპირ, კანდიტერ ლოტოსის გვერდით. დასაფლავების ღღე ცალკე გამოცხადდება.

კან—ჭი.

მათხოჯი. მათხოჯისა მამა სამსონ გვართ არის შენგელია; ერის კაცი არ გვეგონოთ ორჯელ ნაკურთხი მღვდელია; სახეზე თუმც გვეგონებათ ავაზაკი, ან ფირალი, მაგრამ არის ღვთისნიერი ერთგვარ უყვარს: კაცი, ქალი. და რომ ჩემს თქმულს არ უწოდოთ ცრუობა და მონაგონი, მოწმეთ მომყავს სამტრედია ქაგანი და მათხოჯ ხონი;

საკუთარ მრევლს ისე უცქერს როგორც ბატანს რუხი მგელი მაგრამ ამით არ დავსძრახავთ: ასეთია ყველა მღვდელი. რა თქმა უნდა მრევლიც აქებს თავის მოძღვარს სულიერსა, რადგან იცის: არ დაინდობს არც მონაზონს, არცა ბერსი. სამსახურის დაფასებას ითხოვს ჩვენგან სამართალი მაქანკლებში ვფიცავ გამჩენს, სამსონ ხუცესს არ ყავს ცალი. „ერთობა“ და „დრო ახალი“ მუდამ პირზე აკერია, მისი გვარი პოლიციის ქაღალდებზეც აწერია. ჯოჯოხეთის მაშალა.

ფოთი. ფოთიდან გვატყობინებენ, რომ იაკობ ფანცხავას საშინლათ მოშივევია ქუთაისში*) აბა შიმშილი კარგი რომ არ არის ყველამ იცის, იაკობსაც უფერნია ქაღალდი ფოთის მამებთან არიქა მიშველეთო. 24 საათის განმავლობაში ფოთის „პაპაშებს“ ვადაუწყვეტიათ მიეცეს იაკობს შიმშილის მოსაკლავათ ათასი მანათი მისი წარსული მოღვაწეობისთვის. ფოთელები ტალახში იხრჩობიან, შიმშილით კვდებიან და „პაპაშები“ კი იაკობს აძლებენ. აფსუს დროებაც!

წერილი ამხანაგთან.

ამხანაგო ლევანტი!

თუ ძმა ხარ ერთ საქმეს დაგავალე და ნუ დაგეზარება მისი შესრულება. ქალაქში ხარ და გახეთებს იცნობ. მიდი ერთი იმ მამაცნობებულ რედაქციასთან და უთხარი მიაქციოს ყურადღება ქარელის სადგურის გასაჭირს. მოსამსახურეები ძლიერ დიდს უსამართლობას ჩადიან, ძმაო. ისე ვერაფერი გაუგზავნია კაცს, რომ ერთი-ორი მანეთი ზედმეტი არ შეაგლიჯონ. და თუ კრინტი დასძარი, ვაი შენი ბრალი. ცემას გაკმარებენ თუ? აი მაგალითად ამ წინაზე ერთმა კაცმა ბარგი მოიტანა გასაგზავნი. სადგურის თანაშემწე ა - ნმა მეტის გადახდა მოუნდომა, მაგრამ იმან არ მისცა. მაშინ სადგურის თანაშემწემ სცემა იმ კაცს, უარი რატომ მითხარო. ეგეთები ძლიერ ხშირათ ხდება ხოლმე. ხალხი რომ თუ ძლიერ არ გაუჭირდა, აქედან აღარაფერს არ აგზავნის და მიაქვს ან გორში, ან გომში და იქიდან აგზავნიან.

*) სწორეთ ბრიყვი ხალხი ყაფილა ქუთათურები! ვანა ამიტომ გაიმეტეს ფოთელებმა იაკობი, რომ ქუთათურებს შიმშილით მოეკლათ? აფსუს იაკობ!

ესრე რომ, როგორც არის კიდევ ყველაფერს ვერ აგიწერ, იგრე რომ როგორც შენ იცოდე, იგრე ყველაფერი კარგათ დააწერიე და ისე ჩააგდებიე გაზეთში. ძლიერ გასაჭირში არიან აქაური ატბრავიტელ-პალუჩატელები და კაცს ვერაფერი ღონე უხმარია. თუ ძმა ხარ მალე ჩააგდებიე.

შენი ღმეცტი.

* *

ვით წერონი ცაშია ისე ჩვენს ქუჩაშია... მწკვრივათ, გაჭიმულები, დადიან პატრულები. გაჩერდით! არ გაინძრეთ! არც აქეთ და არც იქეთ... მოდის გამჩხრეკელები: მალლა ასწით ხელები!!! მალლა ხელ-აპრობილი სდგებარ კეთილ-შობილი! თითქო ღმერთს ევედრები, ისე შეაჩერდები. შეგჩხრეკ-შემოგჩხრეკავენ პირშიც ჩავიხედავენ... რო ვერ ნახვენ ვერაფერს მაშინ შეგიშვებენ ხელს. თუ ნახეს მაუზერი ცემა აგყვება ბევრი... თუ გიპოვეს ყუმბარა, მაშინ ცემაც არ კმარა... თუ არა გაქვს პასპორტი უჩასტკაში წამოდი.

№

სიხარის ახსნა

„მეველე“ ნახო გოროდოვოის როლს ასრულებდეს და დატვირთულ ბავშვს უმოწყალოთ სცემდეს — ახდება! მეტადრე ქუთაისის ქუჩებში.

პოლიცია ნახო შენზე ზრუნავდეს ავი ნიშანია. გემდუროდეს კარგია.

ცენზორი ნახო გაზეთისათვის ზრუნავდეს ცუდია; ნახო გიჯავრდებოდეს კარგი ნიშანია.

ქუთაისის ციხე ნახო — ცუდია, სახადს მოასწავებს, ზესტაფონი ნახო — პროვოკაციას შეხვდები.

ანარქისტი ნახო — წერილს მიიღებ. **დამპალი საჭმელი** ნახო — ახდება, რკინის გზის საავადმყოფოს ნიშნავს.

სიბინძურე ნახო — ცუდია, „ქარიშხალი“ იცის.

გაცივებული ცხენი ნახო — არ დაიჯერო, სიცილის ნიჭი მხოლოდ ადამიანებისთვის მიუცია ღმერთს.

ნადირობა ნახო, ცუდია, ეგზეკუცია იცის. ხშირად ტერორს მოასწავებს.

კორესპონდენტი ნახო მართალს ამბობდეს არ დაიჯერო, შეუძლებელი მოვლენაა.

მღვდელი ნახო, ავია. სიკვდილს მოასწავებს.

კუბო ნახო, არ ვარგა, ფულემა დაგეკარგება.

მატარებელში თავისუფლად იჯდე, გადასახლებას ნიშნავს.

გველი ნახო, ცუდია, ახალ საარჩევნო კანონს ნიშნავს.

ღვთისმეტყველები ნახო, ძველი წეს-წყობილების განახლებას ნიშნავს.

ბათუმის მიკიტნები.


ბათუმის მიკიტნები ვართ
დუნიაზე ქებულო
წელ-მსხვილი და ღიბ დამდგარი.
კისერ ჩასუქებულიო.
აღარ ვარჩევთ ხსნილს და მარბვას
არცა ზა.თარ ზაფხულსაო.
აბა მითხარ რა მოგვაწყენს
მუდამ ღიბინში ჩაფლულსაო,
ოხრათა გვაქვს სუკის მწვადი,
ზუთხი, გინდა დოშიაო;
ნოქრებიც ვერ გვაწუხებენ
ამ კურთხეულ დროშიაო;
კახური თუ სვირის ღვინო
არ გვაშრება პირზედაო,
ხან პრისტავსაც ვაყლუნქვებით
გვარგებს გასაქირზედაო.
გაფიცვა და ბოიკოტი
საგრძნობელათ გაძვირდაო
მუშტარს შუალამედე ვიღებთ
ვახდევინებთ რაც გვინდაო.
მადლი ღმერთს და პოლიციას
რომ ამ დროს შევესწარითო
თორემ თავვი წაგვიღებდა
ჩვენი დუქან დაფთარიო.
ნოქრებს ბედი გაუტრუვდათ
მოიღუნენ წელშიაო
ჟურნალ-ააზეთების ნაცვლათ
ბანქო შერჩათ ხელშიაო.
მაშ გვებრძოლეთ! ჩვენ გახლავართ
მიკიტნები ქებულო
წელში მსხვილი, ღიბ დამდგარი
კისერ ჩასუქებულიო.

Mo—ur.

დ ე ზ ე შ ე ბ ი.

კ ა ვ კ ა ს ი ა.

ბათოში. ბათომის ქართულ ეკლესიაზე რომელსაც ათი წელიწადია რაც აშენებენ ქართველი მორწმუნეები, ნათელი სხივი შენიშნეს. მღვდლები ამბობენ ეს წმინდანი იყო, გადმოვიდა და რა ნახა ჯერ კედლის მეტი არაფერია დანგრეული, ძლიერ გაჯავრდაო. რომელი წმინდანი იყო მღვდლებს ვერ უცვნიათ.



გმირთა ზრძოლა

აბასთუმანი. ადგილობრივმა ექიმებმა ახალი და უეზარი საშვალემა გამოიგონეს კუჭის გასაწმენდათ. გამოიგონება ხიბლავს ადამიანს თავისი სიმარტივით და რადიკალური მოქმედებით და როგორც ყოველგვარი გენიოსური გამოიგონება უბრალო კავშირზეა დამყარებული. მოგეხსენებათ რა მქიდრო ერთობა სუფევს ჯიბესა და კუჭს შორის. თუ პირველი სამსეა, მეორეც სამსე იქნება, გასწმინდეთ პირველი გაიწმინდება მეორე. და აი ჩვენმა ექიმებმაც სწორეთ აქ, ამ ბოროტების წყაროს მიაპყრეს მთელი თავისი ყურადღება, რომ ძირიანათ აღმოიფხვრას შედეგი. საოცარი ხელოვნებით დაუწმინდეს ჯიბეები საეკიმოთ მოსულ კლიენტებს და კუჭიც რა თქმა უნდა დაიწმინდება.

ღმინაშრი. ვასაძის სულის მოსახსენებლათ ჩვენებურმა ქირისუფლებმა და ცეცხლ-თაყვანის მცემლებმა ხუთი მოსახლე კაცის ოჯახობა შესწირეს მსხვერპლათ.

ჭუთაისი. ჩვენს ციხეში სახადი სენი გაჩნდა და ამიტომ ადმინისტრაციას გადაუწყვეტია ყველა პოლიტიკურ დამნაშავეებს ქუთაისის გუბერნიიდან აქ მოუყაროს თავი.

ჰვირილა. ამ დროში აღარც ყვირილი გიშველის და აღარც გაჩუმება. ვი-

ლაც ყაძახებმა მატარებელს პეტარდა დაუდევს. გასკდა. ატყდა. აიკლეს. დაძარცვეს. დააწიოკეს. გააჩერეს და გაჩხრიკეს. დამნაშავე ვერ აღმოაჩინეს, რადგან ყველანი დამნაშავე იყვენ.

ფრ.თი. ბატებზე სასტიკი დევნაა გამართული გოროდოვებს მოსვენება არა აქვთ.

მიხაილოვი. დღეს ბოქაულთან არ ჩამოსულა ცნობილი ქვიშხეთელი ნემსაძე. არ იციან რა მიზეზია. შეუძლებელია გასანთავისუფლებელი არავინ ყოლოდა, რადგან თითო უდანაშაულოს ყოველ დღე იჭერენ.

ხონი. გაიხსნა პროგენაზია. მასწავლებლებათ მიიღებთან ყველანი ვინც კი ფედერალისტობას მისდევენ. თხოვნები საკუთარ ხელში უნდა ჩააბარონ პროგენაზიის გამგეს.

ბათუმი. ბათუმის მუშები ძლიერ ააღელვებულნი არიან მის მოქმედებამ. მან მიატოვა პროლეტართა ბანაკი. მიზეზი ჯერ არ იციან, თუმცა ეჭვებით მის პარტიზანულ „გამოსვლას“ დამზღვევ საზოგადოებიდან პრემიის მიღებასთან აკავშირებენ.

ზორი. საარჩევნო კომპანიისათვის დიდ მზადებაში არიან ადგილობრივი პარტიები. არის ერთი შეხლა-შემოხლა მაგრამ აზრებისა კი არა, ხშირათ მუშტებისა. ძლი-

წრე ვაჭართა პარტია აქტიურ ბოიკოტს უცხადებს სათათბიროს.

ცნობილი სოციალ-შავ-რაზმელი გიგო ფიშინი თავის კანდიდატურას აყენებს სახელმწიფო დუმის დეპუტატობაზე და იმედი აქვს, რომ გავა...

წ უ ს ე თ ი.

პეტარბურგი. რუსთა კავშირში განხეთქილებამ იჩინა თავი. ახალი ხულიგანური ფრაქცია არსდება. უბედურობის თავიდან ასაცილებლათ განზრახულია 13 ზღვისტოს პარაკლისი გადაიხადონ ვოსტოკოვს და ილიოდორემ.

სააგენტოს ცნობების მიხედვით სამარაში ხოლერით ავთ გამხდარა სულ 143 კაცი აქედან მომკვდარა 167.

მოსავალს გვარიანი პირი უკან ვეროპის რუსეთის 40 გუბერნიაში, კარგი პირი 25 გუბერნიაში, ხოლო შავი პირი ყველა გუბერნიაში.

მოსკოვი. აქაური შავ-რაზმელები დიდის ალტაცებით მოელოან „შავ-ჭირს“, რომელსაც მიანდვენ მემარცხენე პარტიების გაწმენდა.

უ ც ხ რ ე თ ი.

დაკრძალვა. საერთაშორისო სოციალისტურ კონგრესზე თავმჯდომარეთ „ღაზნაკცაკან“ აირჩიეს.

ქაზა-ბლანკა. საფრანგეთის რაზმი დახმარებას სთხოვს სამხედრო მინისტრს. ხშირი შეტაკება ხდება.

ბოქიო. კორეის დაკარგული იმპერატორის ნაშთი მიკადოს გვირგვინში იპოვეს. შთაფრობამ იმპერატორი წმინდანათ გამოაცხადა.

პარტოზიზმი. ადგილობრივმა მცხოვრებლებმა შვილა ევროპელი მისიონერი დაიჭირეს და შეჭამეს. ევროპელებმა ბარბაროსობის მოსასპობათ მთელი ქალაქი ცეცხლს მისცეს და გალავანს გარეთ არავის უშვებენ.

ცეზინი ინგლისის იმპერატორმა ინახულა ჩერნოგორიის იმპერატორი ნიკოლოზ I მონარქები სიყვარულით მიეგებენ ერთმანეთს. ელვარდმა აყვავება უსურვა ჩერნოგორის ძლიერ ფლოტს, რომელიც ერთი ნავისა და ექვსი ნიჩბისაგან შესდგება.

სტამბოლი სამზღვარზე გადასულ ოსმალეთის რაზმს სომხების აკლება ჰქონდა განზრახული, მაგრამ შეცდომით სპარსელების სოფელი აიკლო. გამოძიება სწარმოებს.

ბაზა. მესამე კომისიის მეოთხე პოდეკომისიამ მიიღო ანგლო გერმანელთა წინადადება, რომლის ძალითაც მებრძოლ მხარეებს ნება ეძლევათ ტყვეებს არაფერი აქაონ.

ბაზა. სამშვიდობო კომისია ძლიერ მადლიერია ფრანგების ჯარის მოქმედებისა და მშვიდობიანობის დასამყარებლით თავის მხრივ ურჩევს მას რაც შეიძლება მეტი ჯარი გადასხას მაროკოში და რაც შეიძლება სასტიკათ მოეპყრას ადგილობრივ მცხოვრებთ.

შპიცბერგანი. აქეთ მოვიდა ცნობილი და სახელ განთქმული მოსკოვის ადმირალი დუბასოვი. სამი თვეა პოლიუსის მახლობლათ დაეძებს გაუყინვ ნავთ საყუდელს. ჯერ-ჯერობით ასეთი ნავთსადგური ვერსად აღმოაჩინეს. რამოდენიმე მსლებელს ტვინი გაეყინა თავში იმ ზომამდე დიდი სიცივეები სდგას. ადმირალი იმან იხსნა, რომ სქელი შუბლის კანი ჰქონია. დაშავებულებს სპირტით არჩენენ, რადგან ეს სითხე დიდ სიცივეებს უძლებს და არ იყინება.

უცხო სიტყვების ახსნა.

(იხილე „შუამავალი“ № 4)

მაიაშვილი — „ოტსტანოი დეისტვიტელნი სტატსკი რევოლიუციონერი“, რომელიც დიდი მოღვაწეობის შემდეგ განსვენებას მიეცა და შავი ქვის ჭამას შეუდგა. ჭამს და ვერ ძლება! ხანდახან ლიტერატორობას ეწევა. ხან საზოგადო ასპარეზზე გამოდის სამოღვაწეოთ, მაგრამ საუბედუროთ მუდამ აშავებენ. შეიძლება წელს გაუღიმოს ბედმა და დუმაში გაძვრეს. თუ დუმაში გაძვრა შავი ქვის ჭამას ალბათ უკლებს.

მატარებელი — მატარებელი სხვა და სხვა გვარია: რუსეთის მატარებელი გაცილებით უფრო კარგია ევროპისაზე, რადგან ასჯერ მეტ ხალხს იტევს. ევროპის მატარებელში მხოლოდ სკამზე შეიძლება ჯდომა, ვაგონები წმინდა და განიერია, ჩვენ მატარებელში სადაც გინდა იქ დაჯდები, სახურავზე, იატაკზე, ერთი მეორეს შეაჯდები და სხვა

მანეთი — ყველას თავსატეხი საგანი.

მამა მამა ორგვარია: ერთი მამა ქვია იმ კაცს, რომელსაც შვილი ყავს, მეორე იმ კაცს რომელსაც შვილი არ ყავს, მაგრამ შვილის მაგიერ ქალაქი ყავს შვილათ, ქალაქის სამმართველოს აზის. პირველი ზრუნავს თავის შვილისთვის, ხოლო მეორე ქალაქისთვის. პირველის მზრუნველობა გამოიხატება შვილის აღზრდაში, მეორეს ქალაქის გახვრაში. პირველი ჯურის მამებში უპირველესი ალაგი უჭირავს ცნობილ მეცნიერ ფ. გოგინაშვილს, ხოლო მეორეში თფილისის ქალაქის მამებს. თუმცა საზოგადოთ ყველა ქალაქის მამები ზრუნავენ ქალაქის გახვრაში, მაგრამ თფილისის მამებს-კი პირველი ალაგი უნდა მივცეთ. ჩვენი მამები მართო ქალაქის გავლულებასა და გახვრას კი არ ცთილობენ? ისინი ცთილობენ ამასთანავე მზრუნველობა გაუწიონ... მშვენიერ არსებათ. **ოჰ! ნეტარება!**

„ჯამაგირის მომატება რათოს“ გორზე სეორნობა; ტანცაობა; ოხუნჯობა ხვევნა-კოცნა ქეფობა“

მაქსიმენ — ჩვენი დროის წმინდანი. ქმობის „უფროსი; თანაშემწე წმინდა სპირიტონი, რომელმაც ერთხელ ადილო სადგისი და განრისხებული შეახო ლოყებსა ასოთ-ამწყობისასა.

მათრახი — ბუხების ასაფრენა; იარალი.

მანიაკი — გიჟი; ე. ი. პავლე აკობია.

მიხაილოვო — ძილი. ძილის შემდეგ ჩნბრ-კედელაობა.

მიმიკა — სიტყვის თავისუფლება.

მიქარვა — საპოლიტიკო წერილების წერა.

მილიონი — პატარა ღმერთი.

მიზუზი — ადვილათ ხელ-წამოსაკრავი საშუალება ყოველივე ავაზაკობის კასამართლებლათ.

მეზუზლა — მეზუზლა = ლაღიძე; ლაღიძე = მეზუზლა. საზოგადოთ ნიშნავს შეერთებას შეკავშირებას, ერთი კანტორის მეორეზე ჯვრის დაწერას.

მეცნიერება — მეცნიერება სხვა-და-სხვა დარგისა, მხოლოდ ყველაზე უფრო ახალი-შვილების კეთების მეცნიერებაა. თუ არ გჯერათ კითხეთ ფილოსოფიის დოქტორს.

მეცნიერი — ფილოსოფიის დოქტორი, რომელმაც ზემო აღნიშნულ მეცნიერებას საფუძველი დაუდგა.

მეგრელი — მეგრელი სხვა-და-სხვაგვარია: „შეგინებული“ (ჩვენებურათ შეგინებული) და „შეუგინებული“ (შეუგინებული) „შეგინებული“ მიგრელი „ერთობის“ კაცია; ხოლო „შეუგინებული“ კი ცხენის ქურდი.

მნაფე — ხუცების მაჩანჩალა.

მონა — რუსეთის მოქალაქე.

მექებარი — პოლიციის აგენტი.

მეწყერი — საზღვარი ძველსა და ახალ წეს-წყობილების შორის.

მთავარი — ხუცების მტერი.

მთვრალი — რუსის გლეხი.

მილი — სიბინძურით სავსე წყლის საყვანი მილი თფილისელების კუჭის გასაწმენდათ.

მონაზონი — ბერების ამხანაგი.

მონასტერი — ბერ-მონაზონთა საყუდელი

მორგვი — გასუქებული ვაჭარი.

მოსართავი — გლეხთა შესაკაზმი მასალა.

მოტაცება — პარტიული ბრძოლა.

მოტყუება — მანტაქისტური მოღვაწეობა

მოლაღატე — გულით მეგობარი

მოჩვენება — 1. ოქტომბრის მანიფესტი

მოძღვარი — ეშმაკის მოცეკული.

მოწოდება — პაგრომების წინასწარი ავითაცია.

მოჯამაგირე — სახრავი მასალა.

მსაჯული — ჯალათი.

მუშა — ყველას სალაპარაკო საგანი.

მუხრუჭი — პოლიტიკური ლავამი.

მუსიკა — ტყვიების ზუზუნი;

მუშტი — პოლიტიკური სალაპი.

მუცელი — უძირო ქვევრი.

მუჭი — გლეხების პურის საწყავი.

ირეთელი.

(შემდეგი იქნება)

წმინდი „შუამავლის“ რედაქტორს.

ბ-ნო რედაქტორო! შენი სიყმის ქარი-
 მე, გვიშველე რამე, თორემ ლამის ამ
 დამშეულმა მემამულეებმა დაგვკამონ.
 ცალქალამანიძეებს მოშივნიათ გენაცვათ
 და ერთი აურ-ზაური და დავიდარაბა აგ-
 ვიტყხეს. რა ვიცით, შენი ქირიმე, პაპა
 თქვენებზე და ჩვენ პაპის პაპაზე ოთხი
 წლის ღალა დარჩენილა და ახლა თქვენ
 უნდა გადაგვიხადოთო. დალოცვილმა და
 მადლიანმა პოლიციამც სამართალი გა-
 დაქრა და ოცი კოდი პური გადაგვიწვი-
 ტა ცალ-ქალამანიძეების სასარგებლოთ.
 ვაი ჩენი ბრალი! დაშეუღლი წურბელე-
 ბივით ვინ გინდა ჩვენ არ მოგვესიოს.

შენ ქრიჭტეს ვენაცვალე, რედაქტო-
 რო, შუამდგომლობა გაგვიწიე როგორმე
 თფილისის ლუბენატორთან, რომ მაგან
 მაინც დაგვიფაროს. ამბობენ მოწყალე,
 გულ-ჩვილი და სამართლიანი მსაჯულიაო.
 გაისარჯე, გვიშუამდგომლე შენი ქირიმე
 თორემ ლამის ცოცხლათ დაგვკამონ დამ-
 შეულმა ცალ-ქალამანიძეებმა.

ხელს ვაწერთ: თქვენებთან მიხაი, ჰეტ-
 რეი და ბართლომეი.

„შუამავლის“ ფოსტა

ს. კორეი—ბ-ნ კაჟს. თქვენ სოულიად
 უსაფუძვლოთ და დაუმსახურებლათ გვაწერთ
 თქვენი შეურაცხყოფის სურვილს. იქონიეთ სახე
 ში, რომ შეურაცხყოფის მისაყენებლათ არ და-
 გვიარსებია ჩვენი გაზეთი და დაგვეწმუნეთ იმა-
 შიაც, რომ შეურაცხყოფას თავისივე მოქმედება
 აყენებს ადამიანს. როდესაც ჩვენ ვისიმე უმსგავ-
 სო საქციელს ვააშკარავებთ, მაგალითისათვის
 აიღეთ თუნდა დ. მიქელაძის მიერ „ქუჩაში ბავ-
 შვის გაღაზვა, ეს სულაც არ არის ჩვენ ან ბ-ნი
 მეველის შეურაცხყოფის მიყენების მაჩვენებელი.
 პირ-იქით შეურაცხყოფას მას მისი მოქმედება
 აყენებს. ახლა ვგონებ გაიგეთ რაშია საქმე და
 იმედია როცა თქვენ დანაშაული ბრძანდებით გა-
 ზეთს არ დაემღურებთ.

აბასთუმანი—უჩხობელს. სამუხაროა,
 რომ ვერ გაგიჩვევიათ სატირა და ლანძღვა ერ-
 თმანეთისაგან. თქვენი ლექსის უკანასკნელი ტე-
 პის გაზეთში მოთავსება პირდაპირ უზრდელბა
 იქნებოდა და ნურას უკაცრავათ, თუ თქვენი ასე-
 თი სურვილი რედაქციამ ვერ დააკმაყოფილა.

ბათუმი—გო—შიას. ბათუმის ქალაქის
 თავზე ხშირათ გვიხდება წერა და თქვენს ლექს-
 საც დავბეჭდავდით რომ ვარგოდეს შინაარსისა
 და ლექსთა წყობის მხრივ.

ჭუთაინი—ხელიკს. თქვენს წერილს შეი-
 ძლება კერძობა შევსწამოთ. ეს ჩვეულებრივი
 ქუთათური პორციები:

ყვავი—ნიორის წვენით,
 კატა—ტყემლის წვენით,
 ვირთხა—ბროწეულის წვენით, ყველა
 სასტუმროში მოიპოვება და თქვენ რალა მაინცა
 და მაინც ერთი მათგანი ამოიღეთ ნიშანში?

საგანგებო დაცვის წესები

— ქალბატონო! ანგარიში გამისწო-
 რეთ.

— თავს გვანებებ ნატაშა?

— დიხ! ქალბატონო.

— საკვირველია რა მოხდა, რატომ მი-
 დიხარ!

— არ შემიძლია თქვენთან სამსახური,
 ბატონმა ალყა შემომარტყა.

— როგორ? როდის?

აი გაიმბობთ... წინათ ამბობდა, რომ
 რალაც ექს... ექსპორტილიაცია გიზამო,
 ... გუშინ, იმ დროს, როცა ტანზე გახ-
 დილი ვიყავი, და ჩულქებს ვიხდიდი შე-
 მოვირდა ჩემთან ოთახში და მითხრა:

— ნატაშა! მე მოვედი შენთან, რომ
 კონხვისკაცია გიქნა, რადგან ეხლა სა-
 განგებო დაცვის წესებიაო.

რედაქტორ-გამომცემელი

ს. კეკელიძე.

შემოწიკრულბანი.


თფილისის რესტორანებისა და განსა-
 კუთრებით კი ბილლიარდების პატრონებს
 დღეში თვრამეტი შაური დახმარება
 აღუთქვამთ თფილისში განზრახულ უნი-
 ვერსიტეტის სასარგებლოთ. თუ აღმასრუ-
 ლებელ-დამფუძნებელი კომისია უნივერ-
 სიტეტის დაარსების საქმეს დააჩქარებს.

გ ა ნ ც ხ ა დ ე ბ ა.

დავეძებ გიმოცდილ ნოქარს;

პ ი რ ო ბ ე ბ ი: უპარტიობა; უკავში-
 რობა, უსწავლელობა, უანგარობა, უამ-
 ხანავობა; გარდა ამისა: მორიდება, მორ-
 ჩილება და ოჯახური საქმეები. ეს უკა-
 ნასკნელი მთავარი მუხლია, ვინაიდან დუ-
 ქანში მუშაობის გათავების შემდეგ ჩემ
 საკუთარ ოჯახში მოუწევს საქმიანობა
 ჯამაგირი ჩემ სინდისზე იყოს. ადრესი:
 ქიათურა. ბაზრის დეპუტატს. აქ ყველა
 მიცნობს.

ვისთხოვ სხვა გაზეთებსაც, გადაბეჭდონ
 ეს ცნობა. გ. ტ—ლი.



გუჩაკოვი—გენაცვალე ღუბროვინო! მაგ უტვინო თავში! დაჰკა! დაჰკა! შენიჭირიმე!
 ხი! ხი! ხი! ხი! იქნება დააქვავო ეს წყეული.

მილიუკოვი—შენიჭირიმე ღუბროვინჯან! ნელა! სულ ნუ განადგურებ ცოტა ჩვენც
 დაგვიტოვე.

ღუბროვინი—(ოფლს იწმენდს) ეჰ! ეჰ! ლამის წავიქცე ისე დავივალე და ამას მაინც
 არაფერი ეშველა.